

行唐縣新志卷之九


目錄

名宦志

治蹟

名宦志錄

7456/10



行唐縣新志卷之九

名宦志

論曰漢書稱卓茂爲密令蝗不入界魯恭爲中牟令治有三異史家覈實之言非虛美也行唐自漢迄元令簿之賢者無幾人焉豈事蹟之無可紀歟抑書缺有間歟前明邑宰善於其職後先濟美師儒之官亦以長育人才教訓正俗爲務師師濟濟休有烈光恭惟

聖朝率作興事日起有功縣邑之長與民最親戶口之
盈虛見撫字之方焉風俗之淳澆徵化理之術焉
故教樹畜明禮義以父母師保之心爲心則吏治
尙矣然此豈矯飾外貌當世取悅云爾哉衆靜之
吏惻惻無華日計不足月計有餘惟設誠而爲行
之夙興晏寢匪遑底寧爲其事而無其功者來之
有也是在有民社者亶亶不倦而已作名宦

名宦志

治蹟

漢

周紆字文通邳州人明帝永平中補行唐縣長甫下車
卽曉諭吏民曰朝廷不以紆不肖使牧黎元而性嫉奸
吏志除豪右且勿相試遂收縣中無狀者十餘人吏民
大震

邢顗字子昂鄴州人後漢時令行唐勸農桑風化大行

元

張國綱字達夫晉寧人泰定初爲主簿兼管勾常平倉
雲騎尉能愛養黎庶繕修學宮獎勵士子興利除弊人
咸稱之

劉繼先字敬賢新樂人性剛介撫字有方任行唐縣簿
至元三年行臺薦擢爲大司農掾遺愛於民民懷仰之
有遺愛碑存焉

胡秉中

松江府上海縣人洪武初舉人材知行唐事

務以禮教民製奉先儀式孝順節義教民讀書三圖
入覲以此圖獻上命禮臣合刻一圖禮部尙書趙昌
議奏承流宣化移風易俗守令之職若胡秉中之宰
行唐能以祀先讀書孝順節義之道訓化其民可謂
知所本矣守令以此圖式化百姓以此圖自勵庶幾
美教化厚人倫用咸和萬民奏准通行民知禮教

趙玉

字子明桃源人洪武六年知行唐縣作新政治

修舉廢墜民懷其惠

王哲 字克智宜川人正統十年知行唐縣事剛明有
守善政得民在任九年民當其去詣闕請畱復任三
年後致仕歸民爲之流涕

王珪 字伯玉望江縣人洪武初任主簿勸學興禮愛
民好士有古循吏風

程師伊 以進士署訓導事學行俱優誨人不倦由是
賢才輩出科目多人皆師伊之力也

常賜 字承恩沁水縣人以進士來知縣事狷介有爲

民用不擾不三年而邑治肅然以行臺薦擢監察御

史歷官陝西按察司副使

袁慶

字天祥章邱縣人正德甲戌間來知行唐縣事

下車卽舉廢起敝凡有興建上不費言下不飲民

張福臻

山東高密縣人萬歷四十二年以進士任性

簡靜不尚粉飾視民如子嫉惡如仇不阿上官時上

司皆呼爲莽知縣春旱值軍餉告急催擾羽馳力請

當道緩徵至秋民力易輸如數完納凡勸農訓士皆以實心行實政治未成丁毋憂唐民首服素布盈市巷後歷官密雲總制仍選唐之丁壯百人名爲子弟兵唐民至今懷之

徐允薦 山東海豐人天啓三年以舉人任政尚嚴明

鋤強植弱舊行唐邑節年多逋負領憑之時卽具呈銓計三部如徵欠糧願辭官得準考課以繼任爲始民力得甦全無逋負時民窮多盜力擒渠魁李時欽

等解院正法三月之後夜不閉戶又因行唐五十餘
年科目無人遂捐貲設法不動民間一錢遷學宮於
今地其愛民惠士至今父老猶能言之

陳治紀

湖廣江陵人崇正六年以舉人任容與博雅

能詩文甲戌擬元以制策多危言見抑副榜署阜平
教諭代庖行唐兩月治政有聲行臺薦舉實授知縣
事會婦寺典兵作威福以屈守令新募之卒五千先
發千兵於行唐團練士民震怖公獨坦然遇之練弁

瞻望丰采時請教於公因與杯酒談兵經過甚密凡
兵餉到營弁卽貿易以解編銀徐徵時錢償之兵民
俱以爲便又改府館爲郢風書院立拔貢生侯之翰
爲會長集諸生劉之珍麻冕薛琇康且樂韓靖邦陳
三宅童生鄭之良白象乾等讀書月有供給三八閱
文甲乙之政餘卽詣館講經道古竟日不倦如是三
載秩滿陞北城兵馬指揮歷戶部郎愛民養士之澤

本朝

王廷傑

山西鄉寧縣人由進士授行唐令順治四年

飛蝗過境漫天蔽日聲如驟雨烈風公至誠感神蝗
不爲災修學校譚經課藝多士蔚興後調任楚鄆有
德政碑

楊鳳岐

臨清人滿洲籍順治五年以貢生任性情恬

淡雅愛理琴六年之間有子羔治單父之風不事巖
樸糧完訟平民甚愛之時京棍假拏逃行詐鄰封遇

者輒傾家公獨毅然禦之唐民免罹其害秩滿陞滁
州牧去之日百姓泣送遮道四十餘里有遺愛碑

王秉直 陝西南鄭人順治十一年以進士任性儉約

制行樸實守正不阿每聽訟視事如家人父子語十
二年大雨雹民食樹皮草根公發粟賑濟力請於上
得免歲租之半民因以存活者數千人母艱計間百
姓皆爲垂涕後歷官戶部郎有遺愛碑

年撥補安州草廠河淤民荒荒田共三百七頃零康
熙十一年撫憲金咨部將所撥地盡數退歸行民惟
草廠地二十一頃專行民完糧外仍給安民租八分
民苦輸租之累屢控不已公代民貸銀四百兩移
安州給其價值立定文案自是民免苦累數十年訐
訟一旦擴清公之德也

劉伯宗 湖廣巴陵縣人由拔貢生任行唐令居心
祥不事苛察時城河淤淺遇雨甚則泛溢公濬池

開蓄洩有資環池植楊柳數千株至今人稱劉公柳
有記載藝文

王壯圖山東掖縣人由進士任行唐令發奸摘伏訟
獄肅清設義學延師課士又按期考校諸生親評甲
乙多所成就士類率興

李翔鵠山西解州人由舉人任行唐令捐俸置產如
千畝供義學膏火延師設教人皆勸學

何輝字江西臨川縣人由進士任行唐令度地於

倫堂右捐俸設義學擇士之可造者延師督課文風

漸振